

Gaijbienq

改变

□ Daegsiz/特石 Daegcinz/特覃

(ciep geiz gonq)

Ginh: Miz dauhleix. Hoeng gou rox, gizhaenx miz haujlai dieg mbouj dwg boux miz mbaw cingq yungh, miz mbanj ok rog guh hong le, gij dieg lij vut fwz ce'ndwi lo.

Cienz: Deng! Gou hix caz lo, caen miz cungj cingzgvang neix. (Ngauzngauz gyauej) Neix caen dwg langhfeiq! Dwg famhcoih! Nungzminz baenzlawz vut fwz ce'ndwi ne? Canj duicangj, gou au benq dieg neix! Mwngz doengzeiq ba, hawj gou bau benq dieg neix, gou au hawj benq dieg ndaej yungh dijcienz bae.

Ginh: Deng ha, Canj duicangj, au lailai hawj benq dieg ndaej yungh dijcienz bae.

Cienz: Canj duicangj, gou bau benq dieg neix, ciuq cienzco ceiq lai bae hawj ginzung, lij miz, nungzyez cunghab haifat, daengx mbanj ginzung cungj ndaej daeuj gihdi gou guh hong, miz song faenh souhauej ha, ndaej youq bak dou ranz swheij dajgoeng.

Ginh: Deng ha, Canj duicangj, mwngz daeuj yawjyawj, (Vix mbaw doz "suenqveh hwnqguh hwnghat lajmbanj moq sevei cuji Dalungz Yangh" nem gwnz ciengz) neix dwg mbaw doz suenqveh hwnqguh hwnghat lajmbanj moq sevei cuji yangh raeuz. Mwngz naeuz mbaw doz suenqveh neix ndei mbouj ndei?

Canj: (Byaij haeuj gyawj mbaw doz suenqveh, ngaekngaek gyauej) Ndei ha, danghnaeuz ciuq mbaw doz suenqveh neix bae hwnqguh lajmbanj moq, yienghneix raeuz couh ndaej gvaq gij swnghoz ndaw singz lo.

Cienz: Dang'yienz dwg la, mbouj ne, yangh cwnghfuj veh mbaw doz suenqveh neix cuengq youq gizneix dangguh dozveh gvaqcieng ha?

Ginh: Canj duicangj, yaek hwnqguh lajmbanj moq, ginzung ndaw fwngz mbouj miz cienz hix hwnqguh ndaej baenz lajmbanj moq ma?

Canj: Dang'yienz mbouj ndaej!

Cienz: Dwg mbouj ndaej!

Ginh: Baenzde Cienz lauxbanj daeuj bangcoh raeuz hwnqguh lajmbanj moq sevei cuji, mwngz vih gijmaz mbouj haeucoengh ne? Dalungz Yangh raeuz hwnqguh lajmbanj moq, au haujlai lauxbanj lumj Cienz lauxbanj nei, daeuj bangcoh ginzung baenzfouq ha.

Canj: (Vix coh Cienz lauxbanj) De? Cienz lauxbanj daeuj bang

raeuz hwnqguh lajmbanj moq?

Ginh: Dwg ha! Mwngz yawj, Cienz lauxbanj daeuj bau benq dieg neix, daeuj yungh gij dieg fwz haenx, haifat nungzyez, ndaem maenzfaex, bouxcawj youh ndaej cienzco, youh ndaej bae nungzyez gihdi guh hong, ndaej song faenh cienz, neix mbouj dwg demgya ginzung souhauej ma?

Cienz: Deng! Miz sam faenh souhauej. Ginzung lij ndaej ok gujfaenh haeuj guj. Gou dajsuenq saedhengz sam cungj fuengsik haeuj guj. It dwg au dieg haeuj guj. Ngeih dwg au cienz haeuj guj. Sam dwg au goengrengz haeuj guj. Cij dwg gujfaenh ciuq daengigaep daeuj faen cienz.

Ginh: Canj duicangj, mwngz rox lwi? Baengh fuengsik haeuj guj haifat nungzyez gihdi, saedhengz gij gujfaenh hingz sik "gunghsw h gya gihdi gya nungzhu" haenx.

Canj: (Geq lwgfwngz) Aeu dieg haeuj guj, au cienz haeuj guj, au goengrengz haeuj guj, o, miz dauhleix. (Sawqmwh) Mbouj deng! Ndaem maenzfaex, mboujdan mwngz Cienz lauxbanj rox ndaem, dou hix rox ndaem ha, dieg raeuz vih gijmaz au nyiengh hawj mwngz? Couh mwngz rox lau cienz?

Cienz: Aenvih gou rox ndaem cungj maenzfaex lawz cix baenz lai, gou lij rox gai okbae ndaej gyaqcienz sang.

Ginh: Deng! Cienz lauxbanj yinxhauej cungj maenzfaex gohgi hamzliengh lai haenx daeuj ndaem, linghvaih caeuq gunghcangj ciem gaicawx habdoengz, bauj gai ndaej bae ha.

Canj: (Naemj yaep he) Cienz lauxbanj, gij vah mwngz dangcaen?

Cienz: Dang'yienz dwg caen, gou baujcingq!

Canj: (Byaij daengz baihnaj mbaw doz suenqveh) Ginh yanghcangj, hwnqguh lajmbanj moq, cawzliux hwnqguh aenmbanj le, lij au guh loh ba?

Ginh: (Caeuq Cienz lauxbanj doxyawj baez ndeu, ngaekngaek gyauej) Deng ha, lij au hwnqguh cauigiciz, gaij ranzdajcawj gaij cwzsoj, guh luzva daengjdaengj.

Cienz: Gij hongsaeh daeuz lij au guh loh ndaw mbanj. Ginh yanghcangj, Canj duicangj, gou youq gizneix baujcingq gonq, danghnaeuz gou ndaej bau benq dieg haenx, gou cingznyiengh ok cienz daeuj guh loh haeuj ndaw mbanj!

Canj: (Mbouj siengsaengq dwk cimyawj Cienz lauxbanj) Mwngz? Cingznyiengh ok cienz daeuj

guh loh haeuj ndaw mbanj?

Cienz: Deng! Gou fucwz guh loh haeuj ndaw mbanj!

Canj: Ginh yanghcangj, Cienz lauxbanj dwg gangj vahriu laux ba?

Ginh: Mbouj dwg gangj vahriu laux. Neix dwg caen dahraix. Danghnaeuz mwngz Canj duicangj doengzeiq bau hawj gou, raeuz couh ciem habdoengz. Cienz lauxbanj, mwngz gangj ne?

Cienz: Ndei ha! Gou cingznyiengh ciem faenh habdoengz neix!

Ginh: Canj duicangj, mwngz gangj ne?

Canj: Ginh yanghcangj, Cienz lauxbanj, neix dwg caen lwi? Cienz lauxbanj, mwngz baenzneix guh mbouj gwnvi ha?

Cienz: Mbouj gwnvi! Gou cingj conghyah suenq gvaq lo, geizsaed, gou hwnqguh nungzyez gihdi hix au loh bingz ha, gou dwg naemj daengz coglaeng nanznaih. Hawj gou bau bi ndeu, gij cienz loh ndaw mbanj couh ndaej canh ndaej dauq lo.

Canj: (Baengq song da) Neix dwg caen?

Cienz: Neix dwg caen, raeuz song baih cungj hingz, song baih cungj hingz, rox lwi?

Ginh: Mbouj! Sam baih cungj hingz, gyahwnj caizcwng souhauej, ndaej sam baih cungj hingz ha!

Cienz: Deng! Sam baih cungj ndaej hingz!

Canj: Ginh yanghcangj, neix dwg caen?

Ginh: Dang'yienz dwg caen!

Canj: Ndei! Gou doengzeiq ciem faenh habdoengz neix!

Cienz: Canj duicangj, mwngz baezneix mbouj dwg youh daibyauij swheij ba?

Canj: Mbouj dwg! Baezneix dwg daibyauij ginzung!

Ginh: Canj duicangj, mwngz baenzlawz youh gaijbienq la?

Canj: Gou mbouj gaijbienq ha!

Cienz: Mwngz doengzeiq bau benq dieg haenx, neix mboujdwg youh gaijbienq ma?

Canj: Deng! Youh gaijbienq lo!

Cienz: (Daj ndaw daehnaeng mbon ok geij faenh habdoengz, saeujsaeuj) Canj duicangj, mwngz doengzeiq ciem habdoengz la! Mwngz yawj, gou daiq habdoengz daeuj gvaq lo.

Canj: Doengzeiq! Hahaha! (sat)